



07704



覆正平本

論語集解

古逸叢書之三

遵義黎
氏校刊



論語集解
覆正平本

論語序



叙曰漢中壘校尉劉向言魯論語
二十篇皆孔子弟子記諸善言也
太子太傅夏侯勝前將軍蕭望之
丞相韋賢及子玄成等傳之齊論
語二十二篇其二十篇中章句頗
多於魯論瑯琊王卿及膠東庸生
昌邑中尉王吉皆以教之故有魯
論有齊論魯叅王時嘗欲以孔子
宅爲宮壞得古文論語齊論有問
王知道多於魯論二篇古論亦無
此二篇分堯曰下章子張問以爲

一篇有兩子張九二十一篇篇次

不與齊魯論同安昌侯張禹本受

魯論兼講齊說善從之魏曰張侯

論爲世所貴堂氏周氏章句出焉

古論唯博士孔安國爲之訓說而

世不傳至順帝時南郡太守馬融

亦爲之訓說漢末太司農鄭玄就

魯論篇章考之齊古以爲之註述

故司空陳羣太常王肅博士周生

烈皆爲義說前世傳受師說雖有

異同不爲訓解中間爲之訓解至

于今多矣所見不同乎有得失今

集諸家之善說記其姓名有不安

者頗為改易名曰論語集解光祿

大夫關內侯臣孫邕光祿大夫臣

鄭冲散騎常侍中領軍安鄉亭侯

臣曹羲侍中臣荀顛尚書駙馬都

尉關內侯臣何晏等上

論語學而第一

何晏集解

九十六章

子曰學而時習之不亦悅乎

馬融曰

者男子之通稱謂孔子也王肅曰

時者學者以時誦習之誦習以時

學無廢業所以為悅懌也有朋自遠方來不亦

樂乎

鬯氏曰同門曰朋也

人不知而不愠不

亦君子乎

愠怒也凡人有所不知君子不愠也

有子

曰孔安國曰其為人也孝悌而好

犯上者鮮矣

鮮少也上謂亢在巳上者言孝悌之人必

有恭順好欲犯其上者少也不好犯上而好作

亂者未之有也君子務本本立而

道生

本基也基立而後可大成也

孝悌也者其

仁之本與

光能事父兄然後可乃仁成也

子曰巧

言令色鮮矣仁

苞氏曰巧言好其言語令色善其顏

色皆欲令人說之少能仁也

曾子曰

馬融曰弟子曾參也

吾日三省吾身為人謀而不忠乎

與朋友交言而不信乎傳不習乎

言九所傳之事得無素不講習而傳乎

子曰導千乘

之國

馬融曰導謂為之政教也司馬法六尺為步步百為畝畝

百為夫夫三為屋屋三為井井十為通通十為城城出革車一乘然

則千乘之賦其地千城也居地方三百一十六里有奇唯公侯之封

乃能容之雖大國之賦亦不是過焉苞氏曰導治千乘之國者百里

之國也古者井田方里為井井十為乘百里之國適千乘也馬融依

周禮苞氏依王制孟子義疑故兩存焉之敬事而信苞

曰為國者舉事必敬慎一與民必誠信也節用而愛人

苞氏曰節用不奢後國使民以時

其時不妨奪農務也以民為本故愛養也子曰弟子入

則孝出則悌謹而信汎愛眾而親

仁行有餘力則以學文馬融曰文者古之遺

文也子夏曰賢賢易色孔安國曰子夏弟子卜商

也言以好色之心好賢則善也事父母能竭其力

事君能致其身

孔安國曰盡忠節不愛其身也

與

朋友交言而有信雖曰未學吾必

謂之學矣子曰君子不重則不威

學則不固

孔安國曰固擊也一曰言人不敢重既無威學

又不能堅固識其義理也

主忠信無友不如己

者過則勿憚改

鄭玄曰主親也憚難也

曾子

曰慎終追遠民德歸厚矣

孔安國曰慎終

者喪盡其哀也追遠者祭盡其敬也人君行此二者民化其德而皆

歸於厚也

子禽問於子貢曰夫子至於

是邦也必聞其政求之與抑與之

與

鄭玄曰子禽弟子陳亢也子貢弟子姓端木名賜字子貢也亢

惟孔子所至之邦必與聞其邦政求而得邪抑入君自願與爲治也

子貢曰夫子溫良恭儉讓以得之

夫子之求也其諸異乎人求之與

鄭玄曰言夫子行此五德而得之與人求異明人君自顧與為治也

子曰父在觀其志父沒觀其行

孔安

國曰父在子不得自專故觀其志而已父沒乃觀其行也

三年

無改於父之道可謂孝矣

孔安國曰孝子

在喪哀慕猶若父在無所改於父之道也

有子曰禮之

用和為貴先王之道斯為美小大

由之有所不行知和而和不以禮

節之亦不可行也

馬融曰人知禮貴和而每事從

和不可以禮為節亦不可行也

有子曰信近於義

言可復也

復猶覆也義不必信信不必義也以其言可反

履故曰近
於義也
恭近於禮遠耻辱也
氏

曰恭不合禮非禮也以其
能遠耻辱故曰近於禮也
因不失

其親亦可宗也
孔安國曰因親也
言所親不失其親

亦可宗
子曰君子食無求飽居無
求安

鄭玄曰學者之
志有所不暇也
敏於事而慎

於言就有道而正焉可謂好學也

已矣
孔安國曰敏疾也
德者也正謂問事是非也
有道有道

子貢曰貧而無諂富而無驕何如

子曰可也
孔安國曰未足多也
未若貧而樂

道富而好禮者也
鄭玄曰樂謂志於道不以貧賤

為憂
苦也
子貢曰詩云如切如磋如琢

如磨其斯之謂與
孔安國曰能貧而樂道富而好

禮能自切磋
琢磨者也
子曰賜也始可與言

詩已矣告諸往而知來者也
孔安國曰

諸之也子貢知引詩以成孔子義善取類也故然之往告以貧而樂

道來者以切子曰不患人之不已
磋琢磨者

知患已不知人也

論語為政第二
九
何晏集解
九十四章

子曰為政以德譬如北辰居其所

而眾星共之
苞氏曰德者無為譬猶北辰之不移而眾

星共子曰詩三百
孔安國曰篇之大數也

言以蔽之
苞氏曰蔽猶當也
曰思無邪
苞氏

日歸子曰導之以政
孔安國曰政謂法教
齊

之以刑
馮融曰齊整之刑罰也
民免而無恥

苟免罪也
孔安國曰
導之以德
苞氏曰德
謂道德
齊

之以禮有恥且格
格者正也
子曰吾十

有五而志乎學三十而立
有所成也

四十而不惑
孔安國曰不疑惑也
五十而知

天命
孔安國曰知天命之終始也
六十而耳順

鄭玄曰耳順聞其言而知其微旨也
七十而縱心所

欲不踰矩
馬融曰矩法也縱心所欲無非法也
孟懿

子問孝
孔安國曰魯大夫仲孫何忌懿謚也
子曰無

違樊遲御子告之曰孟孫問孝於

我我對曰無違
鄭玄曰孟孫不曉無違意將問於樊

遲故告之樊遲
弟子樊須也
樊遲曰何謂也子

曰生事之以禮死葬之以禮祭之

以禮孟武伯問孝子曰父母唯其

疾之憂

馬融曰武伯懿子之子仲孫琨也武謚也言孝子不

妄為非唯疾病然後使父母憂耳也

子游問孝

孔安國曰

子游弟子也姓言名偃也

子曰今之孝者是謂

能養至於犬馬皆能有養不敬何

以別乎

世氏曰犬以守禦馬以代勞能養人者一曰人之所

養乃能至於犬馬不敬則無以別孟子曰養而弗愛豕畜也愛而弗

敬也獸畜也

子夏問孝子曰色難

色難謂承

望父母顏色乃為難也

有事弟子服其勞有

酒食先生饌

馬融曰先生謂父兄饌飲食也

曾是

以為孝乎

馬融曰孔子喻子夏曰服勞先食汝謂此為孝

乎未足為孝也承順父母顏色乃為孝耳也

子曰吾與

回言終日不違如愚

孔安國曰回弟子也姓顏

字子淵魯人也不違者無所恠問於孔子之言默而識之如愚也

退而省其私亦足以發回也不愚

孔安國曰察其退還與二三子說釋道義發明大體知其不愚也

子曰視其所以

以用也言視其所行用也

觀其

所由

由經也言觀其所經從也

察其所安人焉

度哉人焉度哉

孔安國曰度匿也言觀人終始安有

所匿其情也

子曰溫故而知新可以為

師矣

溫尋也尋釋故者又知新可以為師也

子曰君

子不器

苞氏曰器者各周其用至於君子無所不施也

子

貢問君子子曰先行其言而後從

之

孔安國曰疾小人多言而行不周也

子曰君子周

而不比 孔安國曰忠信為小人比周阿黨為比也

而不周 子曰學而不思則罔 罔氏曰學

而不尋思其義理罔然無所得之也 思而不學則殆

不學而思終卒不得使人精神疲殆也 子曰攻乎異

端斯害也已矣 攻治善道有統故殊塗而同歸異端

不同 子曰由誨汝知之乎 孔安國曰由弟

子也姓仲名由字子路也 知之為知之不知為

不知是知也 子張學干祿 鄭玄曰子張弟

子姓顓孫名師字子張于求也祿祿位也 子曰多聞闕

疑慎言其餘則寡尤 罔氏曰尤過也疑則闕之

其餘不疑猶慎言之則少過也 多見闕殆慎行其

餘則寡悔 罔氏曰殆危也所見危者闕而不行則少悔也

言寡尤行寡悔祿在其中矣

鄭玄曰言

行如此雖不得祿得祿之道也

哀公問曰何為則

民服

魯君之謚也

孔子對曰舉直

錯諸枉則民服

用云直之人廢置

邪枉之人則民服其上

舉枉錯諸直則民不

服季康子問使民敬忠以勸如之

何

孫安國曰魯卿季孫肥也康謚也

子曰臨之以

莊則敬

莊氏曰莊嚴也君臨民以嚴則民敬其上

孝

慈則忠

慈氏曰君能上孝於親下慈於民則民忠也

舉

善而教不能則民勸

善人而教不能

能者則民勸也

或謂孔子曰子奚不為政

居位乃是為政也

子曰書云孝乎

惟孝友于兄弟施於有政是亦為

政也奚其為為政也

管子曰孝乎惟孝友孝之

辭也友于兄弟善於兄弟施行也所行有政道即是與為政同也

子曰人而無信不知其可也

孔安國曰

言人而無信其餘終無可也

大車無輶小車無

軌其何以行之哉

管子曰大車牛車也輶者轆端

橫木以縛扼者也小車四馬車也軌者轆端上曲拘衡者也

子

張問十世可知也

孔安國曰文質禮變也

子

曰殷因於夏禮所損益可知也周

因於殷禮所損益可知也

馬融曰所因謂

三綱五常也所損益謂文質三統也

其或繼周者雖

百世亦可知

馬融曰物類相招勢數相生其變有常故

可豫
知也

子曰非其鬼而祭之諂也

鄭
玄

曰人神曰鬼非其祖考而祭之是諂以求福也

見義不為

無勇

也
孔安國曰義者所宜為也而不能為是無勇也

論語卷第一

經一千四百七十字
註一千五百一十三字



論語八佾第三

何晏集解 卷六章

孔子謂季氏八佾舞於庭是可忍

也孰不可忍也

馬融曰孰誰也佾列也天子八佾諸

侯六卿大夫四士二八人為列八六十四人也魯以周公故受王

者禮樂有八佾之舞今季桓子僭於其家廟僭之故孔子譏之也

三家者以雍徹

馬融曰三家者謂仲孫叔孫季孫也

雍周頌臣工篇名也天子祭於宗廟歌之以徹祭今三家亦作此樂

者子曰相維辟公天子穆穆奚取

於三家之堂

苞氏曰辟公謂諸侯及二王之後也穆穆

天子之容也雍篇歌此者有諸侯及二王之後來助祭故也今三家

祖家臣而已何取此義而作之於堂邪也

子曰人而不

仁如禮何人而不仁如樂何

苞氏曰言

人而不仁必不能行禮樂也 林放問禮之本鄭

曰林放魯人也子曰大哉問禮與其奢也

寧儉喪與其易也 寧戚魯氏曰易和易也言

禮之本意失於奢不如儉也 子曰喪夫於和易不如哀戚也 子曰

夷狄之有君不如諸夏之亡也魯

曰諸夏中國也亡無也季氏旅於泰山 子謂

非有曰汝不能救與馬融曰旅祭名也禮諸侯

祭山川在其封內者今陪臣祭泰山非禮也非有弟子冉求也時在

於季氏救猶止也 對曰不能子曰嗚呼曾

謂泰山不如林放乎魯氏曰神不享非禮林放

尚知禮泰山之神反不子曰君子如林放邪欲誣而祭之

無所爭必也射乎孔安國曰言於射而後有爭也

揖讓而升下而飲

王肅曰射於堂外及下皆揖讓

而相飲也其爭也君子

馬融曰多筭飲少筭君子之所

爭也子夏問曰巧笑倩兮美目盼兮

素以爲絢兮何謂也

馬融曰倩笑良盼動目良

也絢文良也此上二句在衛風碩入二章其下一句逸也

子曰

繪事後素

鄭玄曰繪畫文也九畫二繪先布衆色然後以素

分其間以成其文喻美女雖有倩盼美質亦須禮以成之也

曰

禮後乎

孔安國曰孔子言繪事後素子夏問而解知以素喻

禮故曰

子曰起予者商也始可與

言詩已矣

范氏曰予我也孔子言子夏能發明我意可與

共言詩已矣

子曰夏禮吾能言之杞不

足徵殷禮吾能言之宋不足徵也

魯氏曰徵成也祀宋二國名也夏
親之後也夏親之禮吾能說之祀
宋之君不足
以成之也
文獻不足故也足則

吾能徵之矣

鄭玄曰獻猶賢也我
能不以其禮成之者

以此二國之君文
章賢才不足故也

子曰禘自既灌

而往者吾不欲觀之矣

孔安國曰
禘禘之禮

為序昭穆也故毀廟之主及群廟
之主皆合食於太祖灌者酌鬱鬯
灌於太祖以降神也既灌之後別
尊卑序昭穆而魯逆祀躋僖公亂
昭穆故不
或問禘之說子曰不知
欲觀之矣

也

孔安國曰春以不
知者為魯君諱也

知其說者之

於天下也其如示諸斯乎指其掌

魯氏曰孔子謂或人言知禘禮之
說者於天下之事如指示以掌中

之物言其
易了也

祭如在

孔安國曰言事
死如事生也

祭神如神在

孔安國曰謂祭百神也

子曰吾

不與祭如不祭

苞氏曰孔子或出或病而不自親祭

使攝者為之不致敬於心與不祭同也

王孫賈問曰

與其媚於奧寧媚於竈何謂也

孔安

國曰王孫賈衛大夫也奧內也以喻近臣也竈以喻執政也賈者執

政者也欲使孔子求之故微以世俗之言感動之

子曰不

然獲罪於天無所禱也

孔安國曰天以喻君

孔子距之曰如獲罪於天無所禱於衆神也

子曰周監

於二代郁郁乎文哉吾從周

孔安國曰

監視也言周文章備於二代當從周也

子入太廟

苞氏

曰太廟周公廟也孔子仕魯魯祭周公而助祭也

每事問

或曰孰謂鄒人之子知禮乎入太

廟每事問

孔安國曰鄴孔子父叔梁紇所治邑也時人多

言孔子知礼或人以為知礼者不當復問也

子聞之曰

是禮也

孔安國曰雖知之當復問慎之至也

子曰射

不主皮

馬融曰射有五善焉一曰和志體和也二曰和容有

容儀也三曰主皮能中實也四曰和頌合雅頌也五日興僕與舞同

也天子有三侯以熊虎豹皮為之言射者不但以中皮為善亦兼取

和容 為力不同科古之道也

馬融曰為

力為力役之事也亦有上中下設三科焉故曰不同科之也

子

貢欲去告朔之餼羊

鄭立曰牲生曰餼禮人君

每月告朔於廟有祭謂之朝享也魯自文公始不視朔子貢見其礼

廢故欲去其羊也

子曰賜也汝愛其羊我

愛其禮

營氏曰羊在猶所以識其礼也羊亡礼遂廢也

子

曰事君盡禮人以爲諂

孔安國曰時事君者

多無禮故以有禮者爲諂也

定公問君使臣臣

事君如之何

孔安國曰定公魯君謚也時臣失禮定公

惠之故問也

孔子對曰君使臣以禮臣

事君以忠子曰關雎樂而不淫哀

而不傷

孔安國曰樂而不至淫哀而不至傷言其和也

哀

公問社於宰我宰我對曰夏后氏

以松穀人以栢周人以栗曰使民

戰栗也

孔安國曰九建邦立社各以其土所宜之木宰我不

本其意妄爲之說因周用栗便云使民戰栗之也

子聞之

曰成事不說

苞氏曰事已成不可復解說也

遂事

不諫

苞氏曰事已遂不可復諫止也

既往不咎

苞氏

曰事已往不可復追非咎也孔子
非宰我故歷言三者欲使慎其後

也 子曰管仲之器小哉 言其器量小也 或

曰管仲儉乎 管氏曰或人見孔子小之以為謂之太儉

也 曰管氏有三歸官事不攝焉得

儉乎 管氏曰三歸娶三姓女也婦人謂嫁為歸攝猶兼也禮國

君事大官各有人大夫并兼 曰然今管仲家臣備職非為儉也

則管仲知禮乎 管氏曰或人以儉問故答以安得儉

或人聞不儉更 謂為得禮也 曰邦君樹塞門管

氏亦樹塞門邦君為兩君之好有

反坫管氏亦有反坫 鄭玄曰反坫反爵之坫也

在兩楹之間人君有別外內於門
樹屏以蔽之也若與鄰國君為好

會其獻酢之禮更酌酌畢則各反
爵於坫上今管仲皆僭為之如是

是 不知
禮也
管氏而知禮孰不知禮子

語魯太師樂曰樂其可知已也始

作翕如也 大 師 樂 官 名 也 五 音 始 奏 翕 如 盛 也 從之

純如也 從 讀 曰 縱 言 五 音 既 發 放 縱 盡 其 聲 純 純 和 諧 也

皦如也 言 其 音 節 明 也 繹如也 以成 縱 之 以 純

如 皦 如 繹 如 言 樂 始 於 翕 如 而 成 於 三 也 儀 封 人 請 見

鄭 玄 曰 儀 蓋 衛 邑 九 也 封 人 官 名 也 曰 君 子 之 至 於

斯者吾未嘗不得見也從者見之

鬻 氏 曰 從 者 弟 子 隨 孔 子 行 者 也 通 使 得 見 也 出 曰 二 三

子何患於喪乎天下之無道久矣

孔 安 國 曰 語 諸 弟 子 言 何 患 於 夫 子 聖 德 之 將 喪 亡 耶 天 下 之 無 道

已 久 矣 極 衰 必 有 戚 也 天 將 以 夫 子 為 木 鐸

孔安國曰木鐸施政教之時所振也言天將命孔子削法度以号令

於天也
子謂韶盡美矣又盡善也
孔安

國曰韶樂也謂以聖德受禪故曰盡善也
謂武盡美

矣未盡善也
孔安國曰武武王樂也以征伐取天下故

曰未盡善也
子曰居上不寬為禮不敬

臨喪不哀吾何以觀之哉

論語里仁第四
何晏集解 九廿五章

子曰里仁為善
鄭玄曰里者民之所居也居於仁者

之里是為善也
擇不處仁焉得智
鄭玄曰求善居

而不處仁者之里不得為有智也
子曰不仁者不

可以久處約
孔安國曰久則為非也
不可以

長處樂
孔安國曰必驕佚也
仁者安仁
營民曰唯

性仁者自然
智者利仁
王肅曰知仁為

美故利
子日唯仁者能好人能惡

人
孔安國曰唯仁者能審人好惡也
子日苟志於

仁矣無惡
孔安國曰苟誠也言誠能志於仁者則其餘無

也 惡
子日富與貴是人之所欲也不

以其道得之不處也
孔安國曰不以其道得富

貴不處也 貧與賤是人之所惡不以其

道得之不去
時有否泰故君子履道而反貧賤此則不

以其道而得之者也雖是人之所惡不可違而去也 君子去

仁惡乎成名
孔安國曰惡乎成名者不得成名為君子

也 君子無終食之間違仁造次必

於是顛沛必於是
馬融曰造次急遽也顛沛僵仆

也雖急遽僵仆
不達於仁也
子曰我未見好仁

者惡不仁者好仁者無以尚之
孔安

國曰難復加也
惡不仁者其為仁矣不使

不仁者加乎其身
孔安國曰言惡不仁者能使不

仁者不加非義於已不如好仁者無以加尚為之優也
有能

一日用其力於仁矣乎我未見力

不足者也
孔安國曰言人無能一日用其力恪仁者耳我

未見欲為仁而力不足者也
蓋有之乎我未之

見也
孔安國曰諫不欲盡誣時人言不能為仁故云為能有耳

其我未
子曰民之過也各於其黨

觀過斯知仁矣
孔安國曰黨黨類也小人不能為君

責之
觀過使賢愚各當其所則為

仁之也

子曰朝聞道夕死可矣

言將至死

不聞世之有道也

子曰士志於道而恥惡

衣惡食者未足與議也子曰君子

之於天下也無適也無莫也義之

與比也

言君子於天下無適無莫無所貪慕也唯義之所在

也子曰君子懷德

孔安國曰懷安也

小人

懷土

孔安國曰重遷也

君子懷刑

孔安國曰安於

法也小人懷惠

營氏曰惠恩惠也

子曰放於

利而行

孔安國曰放依也每事依利而行也

多怨

孔安

國曰取也

子曰能以禮讓為國乎

何有

何有者言不難之也

不能以禮讓為國

如禮何

營氏曰如禮何者言不能用禮也

子曰不

患無位患所以立不患莫己知也

求為可知也魯氏曰求善道而學行之則人知己也

子曰參乎吾道一以貫之哉曾子

曰唯孔安國曰直曉不問故答曰唯也子出門人

問曰何謂也曾子曰夫子之道忠

恕而已矣子曰君子喻於義小人

喻於利孔安國曰喻猶曉也子曰見賢思齊

焉魯氏曰思與賢者等也見不賢者而內自

省也子曰事父母幾諫魯氏曰幾微也當微

諫納善言於父母也見志不從又敬不違勞

不怨魯氏曰見志者見父母志有不從已諫之色則又當恭敬

不敢違父母意子曰父母在子不

遠遊遊必有方

鄭玄曰方猶常也

子曰三

年無改於父之道可謂孝矣

鄭玄曰孝

子在喪哀感思慕無改其父之道非心所忍為也

子曰父

母之三年不可不知也一則以喜一

則以懼

孔安國曰見其壽考則喜見其衰老則懼之也

子

曰古者言之不出也恥躬之不逮

也

魯氏曰古之人言不妄出口者為恥其身行之將不及也

子

曰以約失之者鮮矣

孔安國曰俱不得中也奢

則驕溢則招禍儉約則無憂患也

子曰君子欲訥

於言而敏於行

魯氏曰訥遲鈍也言欲遲鈍而行欲

敏也

子曰德不孤必有鄰

方以類聚同志相求

故必有鄰也是以不孤也

子曰事君數斯厚

矣朋友數斯疏矣

數謂速數之數也

論語卷第二

經一千二百一十二字
注一千九百三十一字



論語公冶長第五

何晏集解

九廿九章

子謂公冶長可妻也雖在縲紲之

中非其罪也以其子妻之

孔安國曰公冶

長弟子魯人也姓公冶名長也縲黑索紲孛也所以拘於罪人也

子謂南容邦有道不廢邦無道免

於刑戮以其兄之子妻之

王肅曰南容弟

子南宜綽也魯人也字子容不廢言見任用也

子謂子賤

孔安國曰子賤魯人弟子容不齊也

君子哉若人魯

無君子者斯焉取斯

苞氏曰若人若此人也如

魯無君子子賤安得此行而學行之

子貢問曰賜也

如何子曰汝器也

孔安國曰言汝器用之人也

曰何器也曰瑚璉也

苞氏曰瑚璉者黍稷之器

也夏曰瑚殷曰璉周曰簠簠宗廟器之貴者也或曰雍也

仁而不佞 馬融曰雍弟子仲弓名也姓冉也子曰

焉用佞也禦人以給屢憎民不知

其仁也焉用佞也 孔安國曰屢數也佞人口辭捷

給數為民之所憎之也子使漆彫開仕對曰

吾斯之未能信 孔安國曰開弟子也漆彫姓也開名

也仕進之道未能信者未能究習也子說 鄭玄曰喜其志道之

也子曰道不行乘桴浮於海從我

者其由也與 馬融曰桴編竹木也大者曰筏小者曰桴

子路聞之喜 孔安國曰喜與已俱行矣子曰由

也好勇過我無所取材 鄭玄曰子路信夫子

欲行故言好勇過我也無所取材者言無所取桴材也以子路不解

微言故臧之耳也。一曰子路問孔子欲浮海便喜不復顧望故孔子數其勇曰過我無所復取哉。言唯取於已也。古持哉同。孟武

伯問子路仁乎子曰不知也。孔安國曰

仁道至大不可全名也又問子曰由也千乘

之國可使治其賦也。孔安國曰賦兵賦也不

知其仁也求也何如子曰求也千

室之邑百乘之家可使為之宰也

孔安國曰千室之邑卿大夫之邑也卿大夫稱家諸侯千乘卿大夫

故曰百乘也不知其仁也赤也何

如子曰赤也束帶立於朝可使與

賓客言也。馬融曰赤弟子公西華也有容儀可使為行人

也。不知其仁也子謂子貢曰女與

回也孰愈孔安國曰愈猶勝也對曰賜也何

敢望回回也聞一以知十賜也聞

一以知二子曰弗如也吾與女弗

如也苞氏曰既然子貢弗如復云吾與女俱不如者蓋欲以慰

子貢心也宰予晝寢苞氏曰宰予弟子宰我也子曰

朽木不可彫也苞氏曰朽腐也彫彫琢刻畫也糞

土之牆不可朽也王肅曰朽攪也二者喻雖施功

猶不成也於予與何誅孔安國曰誅責也今我當何責

於汝乎深責之辭也子曰始吾於人也聽其

言而信其行今吾於人也聽其言

而觀其行於予與改是孔安國曰改是始聽

言信於予與改是始聽子曰吾未

見剛者或對曰申振

荀氏曰申振魯人也

子

曰振也愨焉得剛

孔安國曰愨多情愨之也

子

貢曰我不欲人之加諸我也吾亦

欲無加諸人也

馬融曰加凌也

子曰賜也

非爾所及也

孔安國曰言不能止人使不加非義於已

也之
子貢曰夫子之文章可得而聞

也
章明也文彩形質著見可得於耳目脩也

夫子之言

性與天道不可得而聞也已矣

性者

人之所受以生也天道者元亨日新之道也深微故不可得而聞也

子路有聞未能行唯恐有聞

孔安國曰

前所聞未及得行故恐後有聞不得並行也

子貢問曰

孔文子何以謂之文也

孔安國曰孔文子衛

大夫孔叔圉也文謚也

子曰敏而好學不恥

下問是以謂之文也

孔安國曰敏者識之疾也

下問問凡在已下者也

子謂子產有君子之

道四焉

孔安國曰子產鄭大夫公孫僑也

其行已

也恭其事上也敬其養民也惠其

使民也義子曰晏平仲善與人交

久而人敬之

周生烈曰齊大夫晏姓也平謚也名嬰也

子曰臧文仲居蔡

苞氏曰臧文仲魯大夫藏孫辰

也文謚也蔡國君之守龜也出蔡地月以為名焉長尺有二寸居蔡

借也 山節藻梲

苞氏曰節者栒也刻鏤為山也梲者梁上

之楹畫為藻文也言其奢侈也

何如其知也

孔安國曰

非時人謂以為知之

子張問曰令尹子文

孔安

國曰令尹子文楚大夫姓聞名數於菟也三仕為令尹

無喜色三已之無愠色舊令尹之

政必以告新令尹何如也子曰忠

矣曰仁矣乎曰未知焉得仁孔安國曰

但聞其忠事未知其仁也崔子弑齊君陳文子

有馬十乘棄而違之孔安國曰皆齊大夫也崔

杼作乱陳文子惡之捐四十匹馬違而去之至於他邦

則又曰猶吾大夫崔子也違之至

一邦則又曰猶吾大夫崔子也違

之何如子曰清矣曰仁矣乎曰未

知焉得仁孔安國曰文子避惡逆無道求有道當春秋時

臣凌其君皆如崔子無有可者也季文子三思而

後行子聞之曰非思斯可矣

鄭玄曰李

文子魯大夫季孫行父也文謚也文子忠而有賢行其舉事寡過不

必及三子曰甯武子

馬融曰衛大夫甯喻也武

也謚邦有道則知邦無道則愚其知

可及也其愚不可及也

孔安國曰詐愚似實

故曰不子在陳曰歸與歸與吾黨

之小子狂簡斐然成章不知所以

裁之也

孔安國曰簡大也孔子在陳思歸欲去曰吾黨之小

子狂者進取於大道妄穿鑿以成文章不知所以裁制我當歸以裁

制之耳

子曰伯夷叔齊不念舊惡

怨是用希

孔安國曰伯夷叔齊孤竹君之二子也孤竹國

名也子曰孰謂微生高直

孔安國曰微生姓也

名高魯人也

或乞醯焉乞諸其隣而與

之 孔安國曰乞之四隣以應求者用意委曲非為直人也

子

曰巧言令色足恭

孔安國曰足恭便僻之貌也

左丘明恥之丘亦恥之

孔安國曰左丘明魯

大夫也 匿怨而友其人

孔安國曰心內相怨而外

詐親也

右丘明恥之丘亦恥之顏淵

季路侍子曰盍各曰爾志子路曰

願車馬衣輕裘與朋友共敝之而

無憾

孔安國曰憾恨也

顏淵曰願無伐善

孔安國曰自無旃己之善也

無施勞

孔安國曰無以勞事

置施於人也

子路曰願聞子之志子曰

老者安之朋友信之少者懷之

曰已矣乎吾未見能見其過而內

自訟者也

苞氏曰訟猶責也言人有過莫能自責也

子

曰十室之邑必有忠信如亡者焉

不如亡之好學者也

論語雍也第六

曾安集解 九世章

子曰雍也可使南面也

苞氏曰可使南面者

言在諸侯可使治國也

仲弓問子乘伯子

主肅

曰伯子書傳無見焉

子曰可也簡

以其能簡故曰可也

仲弓曰居敬而行簡以臨其民不

亦可乎

孔安國曰居身敬肅臨下寬畧則可也

居簡

而行簡無乃太簡乎

苞氏曰伯子之簡大簡也

子曰雍之言然哀公問曰弟子孰

為好學孔子對曰有顏回者好學

不遷怒不貳過不幸短命死矣今

也則亡未聞好學者也凡人任情善怒違理

顏淵任道怒不過分遷者移也怒當其理不移易也不貳過者有不

善未嘗子華使於齊冉子為其母

請粟子曰與之釜馬融曰子華弟

也六斗四升曰釜也請益曰與之庾苞氏曰十六斗

也為庾 冉子與之粟五秉馬融曰十

五秉合八十斛也子曰赤之適齊也乘肥

馬衣輕裘吾聞之也君子周急不

繼富鄭玄曰非冉有與之太多也原思為之宰

苞氏曰弟子原憲也思字也孔子為魯司寇以原憲為家邑宰也

與之粟九百辭

孔安國曰九百九百斗也辭讓不受

也 子曰毋

孔安國曰椽法所當受毋以讓也

以與

爾隣里鄉黨乎

鄭玄曰五家為鄰五鄰為里萬二千

五百家為鄉五百家為黨也

子謂仲弓曰犁牛

之子驛且角雖欲勿用山川其舍

諸

犁雜文也驛赤色角者角周正中犧牲也雖欲以其所生犁而不用山川^三寧肯^十舍之乎言父雖不善不害於其子之爰也子曰

回也其心三月不違仁其餘則日

月至焉而已矣

言餘人暫有至仁時唯回移時而不

也

季康子問仲由可使從政也與

子曰由也果

苞氏曰果謂果敢決斷也

於從政

乎何有曰賜也可使從政也與子

曰賜也達

孔安國曰達謂通於物理也

於從政

乎何有曰求也可使從政也與子

曰求也藝

孔安國曰藝曰多才能也

於從政乎

何有季氏使閔子騫為費宰

孔安國曰

費季氏邑也季氏不目而其邑宰叛聞閔子騫賢故欲用之也閔

子騫曰善為我辭焉

孔安國曰不欲為季氏宰

語使者曰善為我作辭詛令不復召我之也

如有復我

者

孔安國曰復我者重來召我也

則吾必在汶上

矣

孔安國曰去之汶水上欲北如齊也

伯牛有疾

馬融

曰伯牛弟子

子問之自牖執其手

苞氏

曰有惡疾不欲見人故孔子從牖執其手也

曰亡之

孔安

國曰亡喪也疾甚故持其手曰喪之也

命矣夫斯人

也而有斯疾也斯人也而有斯疾

也也 卷氏曰 非言之者 痛惜之甚也子曰賢哉回也

一簞食一瓢飲孔安國曰 簞在陋

巷人不堪其憂回也不改其樂賢

哉回也孔安國曰 顏淵樂道 雖簞食在陋巷 不改其所樂也

冉有曰非不說子之道也力不足

也子曰力不足者中道而廢今女

畫孔安國曰 畫止也 力不足者當 中道而廢 今女自止耳 非力極

也之子謂子夏曰為君子儒毋為小

人儒君子為儒 將以明道 小人為儒 則矜其名也子游

為武城宰卷氏曰 武城 魯下邑也子曰女得

人焉耳乎哉孔安國曰 焉耳 乎哉 皆辭也曰有

澹臺滅明者行不由徑非公事未

嘗至於偃之室也

苞氏曰澹臺姓滅明名也字子

羽言其公且方也

子曰孟之反不伐

孔安國曰

魯大夫孟之側也與齊戰軍大敗不伐者不自伐其功也

奔而

殿將入門榮其馬曰非敢後也馬

不進也

馬融曰殿在軍後者也前曰啓後曰殿孟之反賢而

有勇軍大奔猶為殿人迎功之不

敵也馬不能進也

子曰不有祝鮀之佞而

有宋朝之羨難乎免於今之世矣

孔安國曰佞口才也祝鮀衛大夫名子魚也時世貴之宋朝宋國之

羨人也而善淫言當如祝鮀佞而反如宋朝之羨難矣免於今世之

害也子曰誰能出不由戶者何莫由

斯道也

言人立身成功當由道譬猶人出入要當從戶也

子曰質勝文則野

苞氏曰野如野人言鄙略也

文勝質則史

苞氏曰史者文多而質少也

文質

彬彬然後君子

苞氏曰彬彬文質相半之貌也

子

曰人之生也直

馬融曰言人之所由生於世而自終

者以其正直之道也

子曰生也幸而免

苞氏曰誣

問曰直之道而亦生是幸而免也

子曰知者不如

好之者好之者不如樂之者

苞氏曰學

問知之者不如好之者篤好之者又不如樂之者深也

子曰

中人以上可以語上也中人以下

不可以語上也

王肅曰上謂上知之所知也兩舉中

人以其可上可下也

樊遲問子曰務民之

義王肅曰發所以化導民之義也敬鬼神而遠之

可謂知矣苞氏曰敬鬼神而不瀆也問仁子曰

仁者先難而後獲可謂仁矣孔安國曰

先勞苦乃得功此所以為仁也子曰知者樂水苞氏

世如水流而不知已之也仁者樂

山仁者樂如山之安固自然不動而万物生焉也知者動

苞氏曰自進故動也仁者靜孔安國曰無知

者樂鄭玄曰知者自便得其志故樂之也仁者壽苞氏

日性靜故壽考也子曰齊一變至於魯魯

一變至於道苞氏曰言齊魯有太公周公之餘化也太

公大賢周公聖人也今其政教雖衰若有明君興之者齊可使如魯

魯可使如大道子曰觚不觚馬融曰觚

行之時之也

禮器也一升曰觚
爵二升曰觥也
觚哉觥哉
觚言非

觥也
以其喻為政而不
得其道則不成也
宰我問曰仁

者雖告之曰井有仁者焉其從之

也
孔安國曰宰我以為仁者必濟
人於患難故問有仁人隨井將

自投下而出之乎否乎欲
極觀仁人憂樂之所至也
子曰何

為其然也君子可逝也不可陷也

苞氏曰逝往也言君子可使
往視之耳不肯自投從之也
可欺

也不可罔也
馮鞞曰可欺者可使
往也
不可罔者不可

得誣罔令
自投下也
子曰君子博學於文約

之以禮亦可以弗畔矣夫
鄭玄曰
弗畔不

違道
也
子曰見南子子路不說夫子矢

之曰予所否者天厭之天厭之
孔安

國曰等以爲南子者衛靈公夫人也淫亂而靈公惑之孔子見之者欲因以說靈公使行治道也矣誓也子路不說故夫子誓之曰行道既非婦人之事而弟子不說與之兜誓義可疑也 子曰中

庸之爲德也其至矣乎民鮮久矣

庸常也中和可常行之德也世乱先王之道廢民鮮能行此道久矣

非適今也 子貢曰如能博施於民而能

濟衆者何如可謂仁乎子曰何事

於仁必也聖乎堯舜其猶病諸 安 孔

國曰若能廣施恩惠濟民於患難堯舜至聖猶病其難也 夫仁

者己欲立而立人已欲達而達人

能近取譬可謂仁之方也已 孔 安 國曰

更爲子貢託仁者之行也方道也但能近取譬於己皆恕己所不欲

而勿施於
人之也

論語卷第三

經一千七百一十一字
註二千八百二十字



論語述而第七

何曾集解

舊冊九章
今冊八章

子曰述而不作信而好古竊比於

我老彭

苞氏曰老彭殷賢大夫也
好述古事我若老彭矣但

述之
耳也

子曰默而識之學而不厭誨

人不倦何有於我哉

鄭玄曰人無
有是行於我

我獨有
之也

子曰德之不脩也學之不

講也聞義不能從也不善不能改

也是吾憂也

孔安國曰夫子常
以此四者為憂也

子

之燕居申申如也夭夭如也

馬融
曰申

申夭夭和
舒之貌也

子曰甚矣吾衰也久矣

吾不復夢見周公也

孔安國曰孔
子衰老不復

夢見周公也明盛時夢
見周公欲行其道也

子曰志於

道志慕也道不可體故志之而巳矣也據於德據杖也

有成形故可依於仁依倚也仁者功

可據也遊於藝藝六藝也不足子曰自也

行東脩以上吾未嘗無誨焉孔安國曰

言人能奉禮自行東脩子曰不憤以上則皆教誨之也

不啓不排不發舉一隅而示之不

以三隅反則吾不復鄭玄曰孔子與人言必待

其人心憤憤口排排乃發發為

之說也如此則識思之深也說則舉一隅以語之其人不思子食於

其類則不復重教之也

有喪者之側未嘗飽也子於是日

也哭則不歌喪者哀戚飽食於其側是無惻隱之心之也子謂顏淵曰用之則行舍之則

藏唯我與爾有是夫
孔安國曰言可行則行可

止則止唯我與
顏淵同耳也
子路曰子行三軍

則誰與
孔安國曰大國三軍子路見孔子獨羨顏淵以為已

有勇至於夫子為三軍將亦當唯存與已俱故發此問也
子曰

暴虎馮河死而無悔者吾不與也

孔安國曰暴虎徒搏也馮河徒涉也
必也臨事而懼

好謀而成者也子曰富而可求也

雖執鞭之士吾亦為之
鄭玄曰富貴不可求

而得者也當脩德以得之矣若於道可求者雖執鞭賤職我亦為之

矣如不可求者從吾所好
孔安國曰所好

者古人之道也
子之所慎齋戰疾
孔安國曰此三

者人所不能慎而夫子能慎之也
子在齊聞韶樂

三月不知肉味

周生烈曰孔子在齊聞韶樂之盛

羹故忘於肉味也

曰不圖為樂之至於斯

也

王肅曰為作也不圖作韶樂至於此此齊也

非有曰

夫子為衛君乎

孔安國曰為猶助也衛君者謂輒也

衛靈公逐太子蒯聵公薨而立孫輒也後晉趙鞅納蒯聵于戚衛石

曼姑帥師圍之故問其意助輒否乎

子貢曰諾吾將

問之入曰伯夷叔齊何人也子曰

古之賢人也曰怨乎曰求仁而得

仁又何怨乎

孔安國曰夷齊讓國遠去終於餓死故問

怨乎以讓為仁豈怨乎

出曰夫子不為也

鄭玄

曰父子爭國惡行也孔子以伯夷叔齊為賢且仁故知不助衛君明

也子曰飯蔬食飲水曲肱而枕之

樂亦在其中矣

孔安國曰蔬食菜食也肱膂也孔子

以此為樂也

不義而富且貴於我如浮

雲鄭玄曰富貴而不以義者於我如浮雲非已之有也

子曰

加我數年五十以學易可以無大

過矣

易窮理盡性以至於命年五十而知天命以知天命之年

讀至命之書故可以無大過也

子所雅言

孔安國曰雅言

正言也詩書執禮皆雅言也

鄭玄曰讀先王

典法必正言其音然後義全故不可有所諱也禮不誦故言執也

葉公問孔子於子路子路不對

孔安

國曰葉公名諸梁楚大夫也食菜於葉僭稱公不對者未知所以答

也子曰女奚不曰其為人也發憤

忘食樂以忘憂不知老之將至也

云爾子曰我非生而知之者好古

敏而求之者也

鄭立曰言此者
勉人於學也

子

不語怪力亂神

孔安國曰怪怪異
也力謂若暴盪舟

鳥糞舉千鈞之屬也亂謂目裁君
子裁父也神謂鬼神之事也或無

益於教化也
所不忍言也

子曰我三人行必

得我師焉擇其善者而從之其不

善者而改之

言我三人
行本無賢
愚擇善從之不善改

之故無
常師也

子曰天生德於予桓魋其

如予何

苞氏曰桓魋宋司馬黎也
天生德於予者謂授以聖

性也合德天地吉無不
利故曰其如予何也

子曰二三

子以我為隱子乎吾無隱乎爾

苞氏

曰二三子謂諸弟子也聖人知廣
道深弟子學之不能及以為有所

隱匿故解之也

吾無所行而不與二三子

者是止也

苞氏曰我所為無不與爾共之者是丘之心也

子以四教文行忠信

四者有形質可舉以教也

子曰聖人吾不得而見之矣得見

君子者斯可矣

疾世無明君也

子曰善人

吾不得而見之矣得見有恆者斯

可矣亡而為有虛而為盈約而為

恭難乎有恆矣

孔安國曰難可名之為有常也

子

釣而不綱弋不射宿

孔安國曰釣者一竿釣也

網者為大綱以橫絕流以繳繫釣羅屬著網也弋繳射也宿宿鳥也

子曰盖有不知而作之者我無是

也

苞氏曰時人多有穿鑿妄作篇籍者故云然也

多聞擇

其善者而從之多見而識之知次

也孔安國曰如此五鄉難與言童

子見門人惑

鄭玄曰五鄉鄉名也其鄉人言語自專不

達時宜而有童子來見孔子門人惟孔子見也子曰與其

進也不與其退也唯何甚

孔安國曰教誨

之道與其進不與其退惟我

入潔

見此童子惡惡何一甚也

已以進與其潔也不保其往也

曰往猶去也人廬已自潔而來當與其進之亦何能保其去後之行

也子曰仁遠乎哉我欲仁斯仁至

矣

苞氏曰仁道不遠行之則是至也

陳司敗問昭

公知禮乎

孔安國曰司敗官名也陳大夫也昭公魯昭公

也

孔子對曰知禮孔子退揖巫馬

期而進之曰吾聞君子不黨君娶

於吳為同姓謂之具孟子君而知

禮孰不知禮

孔安國曰巫馬期弟子也名施相助匪非

曰黨魯兵俱嬖姓也禮同姓不婚而君娶之當稱兵姬諱曰孟子也

巫馬期以告子曰丘也幸苟有過

人必知之

孔安國曰以司敗言告也諱國惡禮也聖人睿

深道也故受

子與人歌而善必使

反之而後和之

樂其善故使重歌而後自和之也

子曰文莫吾猶人也

莫無也文無者猶俗言文

不也文不吾猶人者言九文皆不勝於人也

躬行君子

則吾未之有得也

孔安國曰躬為君子已未能得

之
子曰若聖與仁則吾豈敢

孔安國曰

孔子諱不敢
自名仁聖也

抑為之不厭誨人不

倦則可謂云爾已矣公西華曰正

唯弟子不能學也

苞氏曰正如所
言弟子猶不能

學也况仁
聖乎也

子疾病子路請禱

苞氏
曰禱

禱請於
鬼神也

子曰有諸

周生烈曰言有
此禱請於鬼神

之事
乎也

子路對曰有之諫曰禱爾于

上下神祇

孔安國曰子路失
指也諫禱篇名也

子曰

仁之禱之又矣

孔安國曰孔子素
行合於神明故曰

仁之禱
之又矣

子曰奢則不遜儉則固與

其不遜也固

孔安國曰俱失之
也奢不如儉奢則

儲上儉則不
禮耳固陋也

子曰君子坦蕩蕩

小人長戚戚

鄭玄曰坦蕩蕩寬廣
貌也長戚戚多憂懼

貌也 子温而厲威而不猛恭而安

論語泰伯第八

何晏集解 九廿五章

子曰泰伯其可謂至德也已矣三

以天下讓民無得而稱焉

王肅曰 泰伯周

太王之太子也次仲雍少弟曰季歷季歷賢又生聖子文王昌昌必

有天下故泰伯以天下三讓於王季其讓隱故無得而稱言之者所

德也 以為至 子曰恭而無禮則勞慎而

無禮則慙 慙畏懼之貌也言慎而不以禮節之則常畏懼

也 勇而無禮則亂直而無禮則絞

馬融曰 絞 絞刺也 君子篤於親則民興於

仁故舊不遺則民不偷 荀氏曰興起也君能

厚於親屬不遺忘其故舊行之美者也則民皆化之起為仁厚之行

不偷也 曾子有疾召門弟子曰啓予

足啓予手 鄭玄曰啓開也曾子以 為受身躰於父母不敢

嬰傷之故使弟子 開衾而視之也 詩云戰戰兢兢

如臨深淵如履薄冰 孔安國曰言此詩者喻已

常誠慎恐有所毀傷也 而今而後吾知免夫

小子 周生烈曰乃今日而後我自 知免於患難矣小子弟子也

呼者欲使聽 曾子有疾孟敬子問 識其言也

之 馬融曰孟敬子魯大夫仲孫躄也 曾子言曰鳥

之將死其鳴也哀人之將死其言

也善 苞氏曰欲戒敬子言我將且死言善可用也 君子

所貴道者三動容貌斯遠暴慢矣

正顏色斯迨信矣出辭氣斯遠鄙

倍矣

鄭玄曰此道謂禮也動容貌

能濟濟踴踴則人不敢暴慢

之也正顏色能矜莊嚴栗則人不敢欺訛之也出辭氣能順而說則無惡戾之言

入於耳也 言 籩豆之事則有司存

菴氏曰敬子忘大務小故又

曾子

日以能問於不能以多問於寡有

若無實若虛犯而不校

菴氏曰校報也言見

侵犯而不報之也

不昔者吾友嘗從事於斯

矣

馬融曰友謂顏淵也

曾子曰可以託六尺

之孤

孔安國曰六尺之孤謂幼少之君也

可以寄百

里之命

孔安國曰攝君之政令也

臨大節而不

可奪也

大節安國家定社稷也

君

子入與君子入也曾子曰士不可

以不於毅任重而道遠

苞氏曰於大也親強

而能決斷也士於毅然後能負重任致遠路也

仁以為己

任不亦重乎死而後已不亦遠乎

孔安國曰以仁為己任重莫重焉死而後已遠莫遠焉也

子曰

興於詩

苞氏曰興起也言修身當先學詩也

立於禮

苞氏曰禮者所以立身也

成於樂

孔安國曰樂所以成性也

子曰民可使由之不可使知之

由用

也可使用而不可使知者百姓能用而不能知也

子曰好

勇疾貧亂也

苞氏曰好勇之人而患疾已之貧賤者必

將為亂也

人而不仁疾之已甚亂也

孔安

國曰疾惡太甚亦使其為亂也

子曰如有周公之

才之羨使驕且悟其餘不足觀也

已矣

孔安國曰周公者周公且也

子曰三年學

不至於穀不易得也已

孔安國曰穀善也言

人三歲學不至於善不可得言必無及也所以勸人於學也

子

曰篤信好學守死善道危邦不入

亂邦不居天下有道則見無道則

隱

苞氏曰言行當常恐也危邦不入謂始欲往也亂邦不居今敬

去也臣弑君子弑文亂也危者將亂之兆也

邦有道貧

且賤焉耻也邦無道富且貴焉耻

也子曰不在其位不謀其政也

孔安

國曰欲各專一於其職也

子曰師摯之始關雎

之亂洋洋乎盈耳哉

鄭玄曰師摯魯大師之名

始猶首也周道既衰鄭衛之音作心樂廢而失節魯大師摯識關雎

之聲而首理其乱洋
乎盈耳哉聽而美也
子曰狂而

不直
孔安國曰狂者
進取宜直也
侗而不愿
孔安

國曰侗未成器之
人也宜謹愿也
愷愷而不信
菴

日愷愷懇懇
也宜可信也
吾不知之矣
孔安國
曰言皆

與常德反故
我不知也
子曰學如不及猶恐

失之
學自外入至熟乃可長文
如不及猶恐失之耳也
子

曰巍巍乎舜禹之有天下也而不

與焉
義舜禹已不與求天下而得
之也巍巍者高大之稱也

子曰大哉堯之為君也巍巍乎唯

天為大唯堯則之
孔安國曰則法
也義堯能法天

而行
化也
蕩蕩乎民無能名焉
菴氏曰
蕩蕩廣

遠之稱也言其布德
廣遠民無能識名焉
巍巍乎其有

成功也功成化隆高煥乎其有文

章煥明也其立文舜有目五人而

天下治孔安國曰禹稷契皋陶伯益也武王曰予

有乱臣十人孔安國曰乱理也理官者十人也謂周公

且召公奭太公望畢公蔡公太顛閔天散宜生南宮适也其餘一人

謂文母也孔子曰才難不其然乎唐虞

之際於斯為盛有婦人焉九人而

已孔安國曰唐者堯號也虞者舜號也際者堯舜交會之間也斯

此也此於周也言堯舜交會之間比於此周周最盛多賢然尚有一

婦人其餘九人而已三分天下有

其二以服事殷周德其可謂至德

也已矣荀氏曰殷紂淫乱文王為西伯而有聖德天下之歸

周者三分有二而猶以服事殷故謂之至德也子曰禹吾

無間然矣孔安國曰孔子推禹功德之盛言已不能復間

廟其間也菲飲食而致孝乎鬼神馬融曰菲

薄也致孝乎鬼神祭祀豐潔也惡衣服而致美乎

黻冕孔安國曰損其常服以威祭服也界宮室而

盡力乎溝洫苞氏曰方里為井井間有溝溝廣深四尺

十里為城城間有洫洫廣深八尺也禹吾無間然矣

論語卷第四

經一千五百十四字
注二千三百七十七字

論語子罕第九

何晏集解

九卅一章
皇卅章

子罕言利與命與仁

罕者希也利者義之和也

命者天之命也仁者行之盛也寡能及之故希言也

達巷黨

入曰大哉孔子博學而無所成名

鄭玄曰達巷黨名也五百家為黨此黨之人羨孔子博學道藝不成

一名而

子聞之謂門弟子曰吾何

執執御乎執射乎吾執御矣

鄭玄曰聞

入羨之承以謙也吾執御者欲名六藝之卑也

子曰麻冕

禮也今也純儉吾從衆

孔安國曰冕緇布冠

也古者績麻三十升布以為之純絲也絲易成故從儉也

拜下

禮也今拜乎上泰雖違衆吾從下

王肅曰臣之與君行禮者下拜於後升成禮時臣驕泰故於上拜今

從下禮也
子絕四母意
以道為度故不任意也

母必
用之則行捨之則藏故無專必也
母固
無不可

可故無
母我
述古而不自作處群

從故不自
子畏於匡
苞氏曰匡人誤圍夫子以

為陽虎陽虎嘗暴於匡夫子弟子
顏尅時又與虎俱往後尅為夫子

御至於匡匡人相與共識尅又夫
子容貌與虎相似故匡人以兵圍

之曰文王既没文不在茲乎
孔安國曰

茲此也言文王雖已没其
文見在此此自此其身也
天之將

喪斯文也後死者不得與於斯文

也
孔安國曰文王既没故孔子自謂後死也言天將喪此文者本

不當使我知之今天之未喪斯文
使我知未欲喪之

匡人其如予何
馬融曰如予何者猶言奈我何也天

之未喪此文也則我當傳之匡人
欲奈我何言其不能違天而害已

也 太宰問於子貢曰夫子聖者與

何其多能也

孔安國曰太宰大夫官名也或吳或宋未

可分也疑孔子多能於水藝也

子貢曰固天縱之

將聖又多能也

孔安國曰言天固縱之大聖之德又

使多能也

子聞之曰太宰知我者乎吾

少也賤故多能鄙事君子多乎哉

不多也

苞氏曰我少小貧賤常自執事故多能為鄙人之事

君子固不當多能也

牢曰子云吾不試故藝

鄭玄曰牢弟子子牢也試用也言孔子自云我不見用故多能伎藝

也 子曰吾有知乎哉無知也

知者知意

之知也言知者言未必盡也今我誠盡也

有鄙夫問於

我空空如也我叩其兩端而竭焉

孔安國曰有鄙夫來問於我其意空空然我則發事之終始兩端以

語之竭盡所知子曰鳳鳥不至河

不出圖吾已矣夫 孔安國曰有聖人受命則鳳鳥

至河出圖今天無此瑞吾已矣夫者不得見也河圖八卦是也子

見齊衰者冕衣裳者與瞽者 苞氏曰冕

者冕冠也大夫之服也瞽者盲者也見之雖少者必

作過之必趨 苞氏曰作起也趨疾行也此夫子哀有喪

尊在位恤不成人之也顏淵喟然歎曰 喟然歎聲

也仰之弥高鑽之弥堅 言不可窮盡也瞻

之在前忽焉在後 言忽况不可為形像也夫

子循循然善誘人 循循次序貌也誘進也言夫子

正以此道勸進
人有次序也

博我以文約我以

禮欲罷不能既竭吾才如有所立

卓爾雖欲從之未由也已

孔安國曰言夫

子既以文章開博我又以禮節節約我使我欲罷而不能已竭我才

矣其有所立則又卓然不可及言已雖蒙夫子之善誘猶不能及夫

子之所立也

子疾病

苞氏曰疾甚曰病也

子路使

門人為臣

鄭玄曰孔子嘗為大夫故子路欲使弟子行其

臣之禮也

病間曰久矣哉由之行詐也

無臣而為有臣吾誰欺欺天乎

孔安

國曰病小恙曰間言子路有是心非唯今日也

且予與其

死於臣之手也無寧死於二三子

之手乎

馬融曰無寧寧也二三子門人也孰使我有臣妾死

其手我寧死弟且予縱不得大葬

孔子安國曰君臣禮葬也予死於道路乎馬融曰就

使之不得以君臣之禮葬有二子三子在我寧當憂棄於道路乎

貢曰有羨玉於斯韞匱而藏諸求

善賈而沽諸馬融曰韞藏也匱匱也藏諸匱中沽賣也

得善賈寧子曰沽之哉沽之哉我

待賈者苞氏曰沽之哉不待賣之辭也我居而待賈者也

子欲居九夷馬融曰九夷東方之夷有九種也或

曰陋如之何子曰君子居之何陋

之有馬融曰君子所居者皆化也子曰吾自衛

反於魯然後樂正雅頌各得其所

鄭玄曰及魯魯哀公十一年冬也是時道衰樂廢孔子來還乃正之

故曰雅頌各得其所以也

子曰出則事公卿入

則事父兄喪事不敢不勉不為酒

困何有於我哉

馬融曰困亂也

子在川上

曰逝者如斯夫不舍晝夜

荀氏曰逝往也

言元往者如川之流也

子曰吾未見好德如

好色者也

疾時人薄於德而厚於色也故發此言也

子

曰譬如為山未成一簣止吾止也

荀氏曰簣土籠也此勸人進於道德也為山者其功雖已多未成一

籠而中道止者我不以其前功多而善之見其志不遂故不與也

譬如平地雖覆一簣進吾往也

馬融

曰平地者將進加功雖始覆一簣我不以其見功少而薄之也據其

欲進而與之也子曰語之而不惰者其回

與顏淵則辭故語之不情餘人不解故有情語之時也子謂

顏淵曰惜乎吾見其進也未見其

止也苞氏曰孔子謂顏淵進益未止痛惜之甚也子曰

留而不秀者有矣夫秀而不實者

有矣夫孔安國曰言万物有生而不育成者喻人亦然也

子曰後生可畏也焉知來者之不

如今也後生謂年少也四十五而無聞

焉斯亦不足畏也已矣子曰法語

之言能無從乎改之為貴孔安國曰人有

過以正道告之口無不順從之能必改乃為貴也矣巽與之

言能無說乎繹之為貴馬融曰巽恭也謂恭

巽謹敬之言聞之無不悅也能尋繹行之乃為貴也悅而不

釋從而不改吾未如之何也已矣

子曰主忠信無友不如己者過則

勿憚改慎其所主所友有過子曰

三軍可奪帥也匹夫不可奪志也

孔安國曰三軍雖衆入心非一則其將帥可奪之而取匹夫雖微者

守其志不可得而奪也子曰衣弊緼袍與衣

狐貉者立而不耻者其由與孔安國曰

緼裘不收不求何用不臧馬融曰

臧善也言不收害不貪求何用為不善疾貪惡收害之詩也子

路終身誦之子曰是道也何足以

臧馬融曰臧善也尚復有叢子曰

歲寒然後知松栢之後彫也大寒之歲

衆木皆死然後知松栢小彫傷也
平歲則衆木亦有不死者故須歲

寒而後別之喻九人處治世亦能
自修整與君子同在濁世然後知

君子之正
不苟容也
子曰知者不惑
苞氏曰
不惑亂

也
仁者不憂
孔安國曰
無憂患也
勇者不懼

子曰可與共學未可與適道
適之
也雖

學或得異端未
必能之道也
可與適道未可與

立
雖能之道未必能
以有所成立也
可與立未可

與權
雖能有所立未必能
權量其輕重之極也
唐棣之

華偏其反而豈不爾思室是遠而

逸詩也唐棣撥也華反而後合賦
此詩以言權道反而後至大順也

思其人而不得見者其室遠也以
言思權而不得見者其道遠也

子曰未之思也夫何遠之有哉
思夫

者當思其反反是不思所以為達也
也能思其反何遠之有言權可知
唯不知思耳思之有次序斯可知之也

論語鄉黨第十

何晏集解 九章

孔子於鄉黨恂恂如也似不能言

者王肅曰恂恂溫恭之貌也其在宗廟朝廷便

便言唯謹爾鄭立曰便便辨也雖辨而謹敬也朝

與下大夫言侃侃如也孔安國曰侃侃和樂

之貌與上大夫言誾誾如也孔安國曰

誾誾中正之貌也君在踧踖如也與與如

也馮融曰君在者君視朝也踧踖恭敬之貌也與與威儀中適之

也貌君召使擯鄭立曰君召使擯者有賓客使迎也色

勃如也孔安國曰必變色也足躩如也苞氏

辟黷之也 揖所與立左右其手衣前後

襜如也 鄭玄曰揖充人右其手揖右人右其手一俛一仰故

衣前後則趨進翼如也 孔安國曰言端好也

賓退必復命曰賓不顧矣 孔安國曰復命

白君賓已去也矣入公門鞠躬如也如不

容 孔安國曰斂身也立不中門行不履闕

孔安國曰闕門限也過位色勃如也足躩如

也 苞氏曰過君之空位也其言似不足者攝

齋升堂鞠躬如也屏氣似不息者

孔安國曰皆重慎也衣下曰齊攝齋者攝衣也出降一等

逞顏色怡怡如也 孔安國曰先屏氣下階舒氣故

怡怡如也沒階趨進翼如也 孔安國曰沒盡也下

也 盡階 復其位 蹶踏如也 孔安國曰 來時所過

也 位 執圭 鞠躬如也 如不勝 菴氏曰 為君使

也 以聘問 隣國 執持君之 圭 鞠躬者 敬慎之至也 上如揖下

如授勃如戰色足蹙蹙如有循也

鄭玄曰 上如揖 授玉 亘敬也 下如 授不敢忘 礼戰色敬也 足蹙蹙如

有循舉前曳 踵行之也 享禮有容色 鄭玄曰 享獻也

用圭璧有庭實也 私覲愉愉如也

鄭玄曰 覲見也 既享乃以 君子不 私礼見愉愉顏色之和也

以紺緌飾 者不安國曰一入日 緌飾 者不以為領袖也 紺

者齊服盛色 以為飾似衣 齊服也 緌者三年練 以緌飾衣為其似衣

喪服故皆不 紅紫不以為褻服 王 肅

日 褻服私居非公會之服者也 皆 不正 褻尚不衰 正服無所施也

當暑鎮締綌必表而出

孔安國曰暑則單服

締綌葛也必表而出加上衣也

緇裘素衣麕

裘黃衣狐裘襲裘長短右袂

孔安國曰

服皆中外之色相稱也私家裘長主溫也短右袂者便作事也必

有寢衣長一身有半

孔安國曰今之被也 狐

貉之厚以居

鄭玄曰在家以接賓客之也

去裘

無所不佩

孔安國曰去除也非則脩佩所宜佩也 非

惟裳必殺之

王肅曰衣必有殺縫唯惟裳無殺之也

羔裘玄冠不以弔

孔安國曰喪主素吉主玄吉凶

異服故不相弔也

吉月必朝服而朝

孔安國曰

吉月月朔也朝服皮弁服也

齋必有明衣布也

孔安國曰以布為沐浴之衣也

齋必變食

孔安國曰改常

食居必遷坐孔安國曰易常處也食不厭精

膾不厭細食體而餽孔安國曰饋餽臭味變也

魚饑而肉敗不食孔安國曰魚敗曰饑也色

惡不食臭惡不食失飪不食孔安國曰失飪失生

不時不食鄭多曰不時非朝夕日中

時割不忤不食不得其醬不食馮

醬日魚膾非芥肉雖多不使勝食氣

唯酒無量不及亂沽酒市脯不食

不撤薑食孔安國曰撤去也齊禁薰物薑辛不臭故不去

不多食孔安國曰不過飽祭於公不宿

肉周生烈曰助祭於君所得牲祭

肉不出三日出三日不食之矣鄭

曰自其家祭肉也過三日不食也是藁鬼神之餘也食不語

寢不言雖䟽食菜羹瓜祭必齋如

也孔安國曰齋嚴敬之貌也席不

三物雖薄祭之必敬也

云不坐鄉人飲酒杖者出斯出矣

孔安國曰杖者老人也鄉人飲酒

之禮主於老者老者禮畢出孔子

役而出之鄉人儻朝服而立阼階孔安國曰

儻驅逐疲鬼也恐驚先祖問人於

他邦再拜送之孔安國曰拜送使者敬也康子

饋藥拜而受之苞氏曰遺孔子藥也曰亡未

達不敢嘗之孔安國曰未知其廡

樊子退朝曰傷人乎不問焉鄭立

人賤畜也退朝自君賜食必正席

魯君之朝來歸

先嘗

孔安國曰敬君之惠也
既嘗之乃以班賜之也

君賜

腥必熟而薦之

孔安國曰薦其先祖也

君賜

生必畜之待食於君君祭先飯

鄭

曰於君祭則先飯矣
若為先嘗食然也

疾君視之東

首加朝服挹紳

苞氏曰夫子疾也
處南牖之下東首

加其朝服摺紳太帶
不敢不衣朝服見君也

君命召不

俟駕行矣

鄭玄曰急趨
行出而車既

君命也
駕從也入

太廟每事問

鄭玄曰為君助祭
也大廟周公廟也

朋

友死無所歸曰於我殯

孔安國曰
重朋友之

息也無所歸
無親昵也

朋友之饋雖車馬非

祭肉不拜

孔安國曰不拜
有通財之義也

寢不尸

苞氏曰偃卧四體布
展手足似死人也

居不容

孔安
國曰

為家室之
敬難久也
子見齊衰者雖狎必變

孔安國曰狎
者素親狎也
見覺者與瞽者雖褻

必以貌
周生烈曰褻謂數相見也必當以貌禮也
凶服

者式之式負版者
孔安國曰凶服者送死之衣物

也負版者持邦
國之圖籍者也
有盛饌必變色而

作
孔安國曰作起也敬主人之親饋也
迅雷風烈必

變
鄭玄曰敬天之怒風疾雷為烈也
升車必正立

執綏
周生烈曰必正立執綏所以為安也
車中不內

顧
苞氏曰車中不內顧者前視不過衡扼傍視不過轡轡之也

不疾言不親指色斯舉矣
馬融曰見顏色

不善則
去之也
翔而後集
周生烈曰迴翔審觀而後下止

也
曰山梁雌雉時哉時哉子路供

之三嗅而作

言山梁雉雉得其時而人不得時故數之

子路以其時物故供具之非其本意不苟食故三嗅而起也

論語卷第五

經一千四百六十二字
注二千二百九十七字

07704

五卷

九



論語卷第五

經一千四百六十二字
注二千二百九十七字

三樂而亦



